



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. II. A qua virtute procedat gaudium seu delectatio, quâ Beati de Deo clarè viso, ut bono sibi proprio delectantur?

---

[urn:nbn:de:hbz:466:1-77355](#)

## 62. DISPUTATIO QVARTA

- quantum ad exercitium: Ergo nec amor patriæ.
15. Respondeo primò, hoc argumentum nimis probare: probat enim amorem patriæ non esse necessarium, etiam quoad specificationem; cùm charitas viæ, quæ est ejusdem speciei, non determinet aut necessitatē voluntatem, quoad specificationem actus, alioquin redderet illam impeccabilem.
16. Respondeo secundò, concessâ Majori & Minori, negando Consequentiam: necessitas enim charitatis in patria non oritur ex ejus specie, neque ex ipsis intentione, sed ex eo quod reguletur per lumen gloriae, & visionem beatam, quæ Deum ut summum bonum necessariò diligendum proponunt.
17. Dices: Per fidem Deus proponitur voluntati viatoris, ut summum & infinitum bonum, & tamen amor per illam regulatus est liber: Ergo quamvis in patria per lumen gloriae, & claram visionem proponatur ut summum & infinitum bonum, amor tamen per illam regulatus erit liber.
18. Confirmatur: Diversitas approximationis & applicationis passi ad agens, non inducit necessitatem, sed solum intentionem actionis, ut patet in diversa approximatione calefactibilis ad calefactivum: Sed clara Dei visio non representat diversam bonitatem, sed solum eandem melius applicat, & magis conjungit voluntati, quam fides & cognitio obscura: Ergo non inducit necessitatem amoris, sed solum maiorem intentionem illius.
19. Ad objectionem respondeo primò, concessâ Antecedente, negando Consequentiam: nam eti utrumque lumen Deum ut summum bonum representet, unum tamen illum representat clare, & ut est in se; alterum verò oblitus, & per alienas species tale bonum proponit: unde sicut intellectus à vero, primo non autem secundo modo proposito, convincitur, ita & voluntas solum à summo bono clare cognito necessitatis est.
20. Respondeo secundò, quod perseverante iudicio, quod in via judicamus Deum esse summè diligendum, & non stante aliò contrariò, voluntas necessariò diligit; talis tamen dilectio est absoluè libera, quia tale iudicium subiectum protestati nostræ, tum ratione obscuritatis fidei, quæ non plenè convincit & captivat intellectum; tum ratione fatigationis, que interdum fastidium causat in nobis; tum etiam ratione impedimenti quod præstat prædictus amor; impedit enim ne homo ad alia objecta, vel ad alios actus se applicet, in quibus potest maiorem rationem boni apprehendere: nihil autem horum in clara Dei visione potest contingere; & idèo amor per illam regulatus omnino necessarius est.
21. Ad confirmationem respondeo primò, veram esse Majorem, quando in agente solum inventur unus modus operandi, scilicet verò quando multiplex reperitur; tunc enim ex diversa approximatione & applicatione objecti potest nasci necessitas: in voluntate autem duplex modulus agendi inventur, naturæ scilicet & libertatis, ut suprà vidimus.
22. Respondeo secundò, datâ Majori, negando Minorem: nam visio clara non solum approximat idem objectum, sed ob sui claritatem & evidentiam, adeo intellectum convincit, ut nec in illo aliquam rationem mali, nec in ejus amore aliquam rationem fastidij inventire possit: per
- A. fidem autem non ita convincitur; & idèo eti idem objectum ab utroque lumine proponatur, proponitur tamen veluti sub diversa ratione.
- B. Objicies tertio: Habitibus utimur cùm volumus: Ergo etiam Beati utuntur habitu charitatis, & ejus actum excent, quando volunt, & per consequens non diligunt necessariò Deum quoad exercitium.
- C. Respondeo concessò Antecedente, negando Consequentiam: licet enim voluntas affecta & elevata habitu charitatis, utatur habitu illo cùm vult, quando regulatur iudicio indifferenti, quod est principium & origo libertatis: non tamen utitur illo cùm vult, sed necessariò raptur in actum ejus, quando habitus ipse & voluntas subjiciuntur dictamini necessario, & iudicio non indifferenti, ut contingit in patria.
- D. Dices: Beati possunt in carentia seu cessatione amoris beatifici aliquam rationem boni apprehendere, nempe exercitum libertatis: Ergo talis amor non regulatus dictamine necessario.
- E. Respondeo negando Antecedens: libertas enim exerceri non potest circa bonum universale & infinitum clarè cognitum, ut à beatis cognoscitur, sed solum circa creaturas & bona particularia & limitata, quæ cum illo necessariam connexionem non habent: Sicut intellectus facultatem discurrendi & ratiocinandi circa prima principia exercere non potest, sed solum circa conclusiones quæ in illis virtualiter continentur.

## ARTICVLVS II.

*A qua virtute procedat gaudium seu delectatio, quâ Beati de Deo clare viso, ut bono sibi proprio delectantur?*

D VPLEX in Beatis reperitur delectatio supernaturalis: una quæ provenit ab amore amicitiae, quâ gaudent de bono divino in se considerato; de quo gaudio intelligitur illud Apocal. 19. *Quoniam regnabit Dominus Deus noster omnipotens, gaudeamus, & exultemus, & demus gloriam eis: alia quæ oritur ex amore concupiscentiae, & quâ gaudent de Deo, & bonis ipsis ut participatis, & ad ipsorum felicitatem conducentibus: de quo gaudio loquitur Prophetæ Psal. 55, cùm ait: Adimplebis me latitudinem vultu tuo: delectationes in dextera tua usque in finem.* Prima elicetur à charitate, tanquam actus secundarius ejus: quia ut docet D.Thomas 2. 2. qu. 28. per totam, gaudere de bono amici, est actus & fructus amicitiae & charitatis. Unde solum difficultas est de secunda, quæ cùm ad amorem concupiscentiae pertinet, non videtur posse à charitate, quæ est amor amicitiae, procedere. Quare Suarez hic disp. 9. sectione 3. num. 12. & 3. p. qu. 7. art. 4. docet eam elici ab habitu spei, quem dicit remanere in patria, & fuisse in Christo; quamvis ab instanti conceptionis fuerit beatus & comprehensor, videritque divinam escentiam.

## § I.

*Vera sententia statuitur.*

D ICO tamen: Delectatio quâ Beati de Deo, ut bono sibi proprio eos beatificant, delectantur, quæ ad amorem concupiscentiae pertinet.

## DE PROPRIETATIBVS BEATITVDINIS

63

net, non à virtute spei, sed ab habitu charitatis A elicetur.

26. Probatur prima pars, destruendo fundamentum Suaris: Spes non remanet in patria: Ergo talis delectatio in Beatis non elicetur à virtute spei. Consequens paret, Antecedens probatur primò authoritate & ratione D. Thomae infra qu. 67. art. 4. ubi inquit, *Vtrum spes maneat post mortem in statu gloria?* Et respondet non manere, idque probat in hunc modum. Motus cessat obtento termino: Sed spes se habet per modum motus tendentis ad beatitudinem & claram Dei visionem: Ergo illà obtentà perit. Quam rationem etiam insinuat Apostolus ad Romanos 8. dum ait: *Spes qua videtur non est spes: nam quod videt quis quid sperat?*

Secundò probatur idem Antecedens alia ratione, quam adducit idem S. Doct̄or 2. 2. qu. 18. art. 2. Subtractò eō quod dat speciem, solvitur species: Sed in patria non subsistit id quod dat speciem virtuti spei, actus scilicet sperandi aeternam beatitudinem, ut divinò auxiliò obtinendam; cùm in patria habeatur ipsa beatitudo: Ergo in patria non remanet spes. Eadem ratione probat 3. p. quest. 7. art. 4. spem non fuisse in Christo, qui fuit ab instanti conceptionis beatus.

27. Respondet Suarez, virtutem spei in via quatuor actus habere, scilicet amorem concupiscentię, quō Deum ut bonum sibi proprium diligit, desiderium quō cōdēm modō Deum sibi exoptat, expectationem aeternā beatitudinis ut divinò auxiliò obtinendā, & denique delectationem de tali bono: ex quibus actibus, inquit, secundus & tertius, scilicet desiderium & expectatio, cūm sint de bono non habito, repugnant statui beatitudinis, & non manent in patria, bonò jam obtentò; bene tamen alijs duo, nempe amor concupiscentię, & delectatio, cūm illi non repugnant statui beatitudinis: unde ad illos eliciendos debet habitus spei remanere in patria.

28. Sed contrā: Licet habitus spei illos actus ordine quodam elicit, non tamen specificatur ab omnibus, sed tantum ab uno primario & principaliori, scilicet ab actu sperandi; sicut generatio, licet producat essentiam & passiones, tamen solum specificatur ab essentia, secundariò verò respicit passiones mediā essentiā: Sed actus sperandi destruitur obtentā beatitudine, ut faciat Suarez: Ergo illà obtentā tollitur specificativum habitus spei, & consequenter ipse habitus.

29. Respondet Suarez, habitus spei non respice-  
re primariò & essentialiter actum sperandi, sed actum amoris concupiscentię, quō quis Deum ut bonum sibi proprium diligit.

Sed hæc solutio aperte continet doctrinam falsam, & à communī Theologorum sensu penitus alienam: Virtus enim denominatur à principaliori actu quem elicit: Atqui secunda virtus Theologica, ab omnibus spes appellatur: Ergo præcipiūs ejus actus est actus sperandi, non verò amor concupiscentię, quō quis Deum ut bonum sibi proprium diligit.

Addo quod spes, quæ est virtus, respondet spei, quæ est passio: Sed actus principalis spei, quæ est passio, non est, bonum sibi proprium & conveniens concupiscere, sed bonum arduum possibile sperare: unde non est in appetitu concupiscibili, sed in irascibili: Ergo pariter præ-

cipius actus virtutis spei non est amor concupiscentię, quō quis Deum ut bonum sibi proprium diligit, sed actus sperandi, quō expectatur futura beatitudo.

Secunda pars conclusionis sequitur ex praecedenti: Cūm enim delectatio de Deo viso in patria sit supernaturalis, utpote respiciens objectum supernaturale, non potest procedere à sola voluntate, sine concurso aliquius habitus supernaturalis, & aliquius virtutis Theologica; unde cūm non possit elici à fide, vel à spe, quæ non remanent in patria, consequens est ut eliciatur à charitate.

Neque valet si dicas, illam posse procedere à voluntate, solum Dei auxiliò mota & elevata, absque ullo habitu supernaturali. Nam licet in aliquo casu id contingat, regulariter tamen, & juxta suavem Dei dispositionem, per habitum, & non solum per auxilia elevantur potentiae ad actus supernaturales; & sic debet assignari aliquis habitus concurrens ad delectationem,

quam Beati de Deo clare viso percipiunt.

Deinde eadem pars hæc ratione suaderi potest. Ab eodem habitu elicetur delectatio, à quo oritur amor, qui est causa illius: Sed amor concupiscentię, quō Beati Deum ut bonum sibi proprium diligunt, procedit à virtute charitatis: Ergo & delectatio quæ ad illum consequitur. Major est certa: tum quia, ut ait D. Thomas 2. 2. qu. 28. art. 4. idem est habitus qui inclinat ad diligendum, & ad desiderandum bonum dilectum, & ad gaudendum de eo: tum etiam quia, ut docet idem S. Doct̄or in hac parte qu. 60. art. 4. actus qui non habent specialem difficultatem, non exigunt specialem habitum, sed procedunt ab eodem habitu, à quo oritur actus ille cum quo habent majorem connexionem: Atqui delectatio non habet specialem difficultatem, & habet maximam connexionem cum amore ad quem sequitur: Ergo ab eodem habitu elicetur, à quo oritur amor. Minor verò suadetur ex eodem D. Thoma 2. 2. qu. 25. art. 4. ubi docet quod per charitatem non solum Deum & proximum, sed etiam nosmetiplos diligimus: Ergo amor concupiscentię, quō Beati Deum ut bonum sibi proprium diligunt, est à virtute charitatis. Addo quod, si aliquis Beatus nollet sibi beatitudinem, peccaret peccato odij erga seipsum: Ergo ex opposito vult sibi beatitudinem ex charitate.

### S. II.

#### Solvuntur objectiones.

**O**bijecies primò: Amor concupiscentię beatitudinis futura, & gaudium subsecutum ad illum, non pertinent ad charitatem, sed ad spem, iuxta illud Apostoli ad Roman. 12. *Spe gaudentes:* Ergo etiam in patria amor concupiscentię, quō Beati Deum ut bonum sibi proprium diligunt, & delectatio quæ ad illum sequitur, à virtute spei, non verò ab habitu charitatis eliciuntur.

Respondeo concessò Antecedente, negando Consequentiam: quia amor concupiscentię, quō in via appetimus beatitudinem, & de ea delectanatur, illam respicit sub ratione boni ardui futuri, quod est objectum formale spei; in patria verò amor quō Beati diligunt beatitudinem, & delectantur de ea, respicit illam ut bonum præsens & jam obtentum; unde non po-

32.

31.

32.

33.

test elici à spe, quæ est de bono arduo & futuro,  
& quæ proinde in Beatis non manet; sed solum  
à charitate, ad quam tanquam ad proximiorem  
virtutem reducitur, & quæ sola ex virtutibus  
Theologicis remanet in patria.

35. Dices: Actus oppositi non possunt procedere  
ab eodem habitu: Sed amor amicitiae & concu-  
piscentiae ( idem dicendum de delectatione ad  
utrumque amorem consequente ) inter se oppo-  
nuntur; nam amor amicitiae respicit bonum  
amici, amor vero concupiscentiae respicit bonum  
proprium: Ergo in Beatis non possunt pro-  
cedere a virtute charitatis.

36. Respondeo concessa Majori, negando Mi-  
norem: Amor enim concupiscentiae non semper  
opponitur charitati, sed interdum illi subordi-  
natur, & se habet ut actus ejus secundarius:  
nam ut supra ex D. Thoma vidimus, per chari-  
tatem non solum Deum & proximum, sed etiam  
nosmetipos diligimus. Neque obstat, quod  
amor amicitiae respiciat bonum amici, amor  
vero concupiscentiae bonum proprium: quia bonum  
proprium non semper opponitur bono  
amici, sed interdum illi subordinatur, & cum  
eo connectitur, ut contingit in Beatis; illorum  
enim beatitudo, & delectatio quam ex ea per-  
cipiunt, non opponuntur Deo & bono ipsis,  
sed illi subordinantur, & ab eo procedunt, cum  
sit ipsius participatio: unde amor concupis-  
centiae, quod Beati propriam beatitudinem dili-  
gunt, subindeque gaudium quod ex tali amore  
sequitur, à virtute charitatis, ut ejus actus se-  
condarij procedunt.

37. Objicies secundò: Si actus delectationis in  
patria non elicatur à virtute spei, maximè quia  
talis virtus non manet in patria: Sed falsum est  
quod spes non remaneat in patria: Ergo actus  
delectationis in patria, à virtute spei elicuntur.  
Major patet, Minor probatur. In Beatis rema-  
net donum timoris, juxta illud Job. 26. *Colum-  
na celi tremescunt. & pavent ad nutum ejus:*  
quod de Beatis Angelis explicat D. Gregorius:  
unde etiam D. Thomas 3. p. qu. 7. art. 6. ponit  
tale donum in Christo, quamvis ab instanti con-  
ceptionis beatus fuerit, juxta illud Isaiae 11. *Re-  
plebit eum spiritus timoris Domini:* Ergo etiam  
spes fuit in Christo, & remanet in Beatis. Pro-  
batur Consequentia: nam sicut bonum arduum  
possibile obtineri, est objectum formale spei,  
ita malum arduum possibile evitari, est objectum  
formale timoris: Ergo si hoc non obstante in  
Christo & in Beatis reperitur donum timoris,  
etiam virtus spei poterit remanere in patria.

38. Respondeo concessa Majori, negando Mi-  
norem. Ad cuius probationem, concessò Ante-  
cedente, nego Consequentiam. Ad probatio-  
nem illius, distinguo Antecedens. Malum ar-  
duum possibile evitari est objectum formale  
timoris, ut est passio, concedo Antecedens, ut  
est donum Spiritus Sancti, nego Antecedens:  
objectum enim timoris, ut est donum, est di-  
uina maiestas, & excellentia, ut potens infligere  
aliquid malum, vel privare aliquod bonum;  
unde quamvis in Beatis non sit timor qui est  
passio, benè tamen timor qui est donum Spir-  
itus Sancti. Verum in illis non propterea rema-  
net spes, prout est virtus Theologica: quia in  
patria, obtinat beatitudine, perit objectum  
formale illius, ut supra ostendimus. Solutio est  
D. Thomæ 3. p. qu. 7. art. 1. ubi docet in Christo  
fuisse donum timoris, & sibi primò objicit: *Vi-*

A detur quid in Christo non fuerit donum timoris:  
spes enim videtur potior quam timor; nam spei  
objectum est bonum, timoris vero malum: Sed in  
Christo non fuit virtus spei, ut supra dictum est;  
Ergo etiam non fuit in eo donum timoris. Cui ar-  
gumento sic respondeat: *Ad primum dicendum  
quod habitus virtutum & donorum propriæ & per-  
se respiciunt bonum, malum autem ex consequen-  
ti.... & idem de ratione doni timoris non est illud  
malum quod respicit timor; sed eminentia illius  
boni, scilicet divini, cuius potestate aliquod  
malum infigi potest. Sed spes secundum quod vir-  
tus est, respicit non solum auctorē boni, sed  
etiam ipsum bonum, in quantum est non habitum;  
& ideo Christo, qui jam habebat perfectum beat-  
itudinis bonum, non attribuitur virtus spei,  
sed donum timoris. Idem cum proportione di-  
cendum est de Beatis.*

## ARTICVLVS III.

*Quodnam sit objectum proximum & im-  
mediatum delectationis seu frui-  
tionis beatificæ?*

## S. I.

C *Quibusdam premisis status difficultatis  
proponitur.*

N OTANDVM primò, quod omnis incli-  
natione, quæ bonum aliquod insequitur, pos-  
sessione illius quietatur; & quod ex illa posse-  
ssione resultat terminus quidam, qui in omnibus  
dicit cessationem motus, in singulis vero ex di-  
versitate inclinationis diversam addit perfectionem,  
& diversum fortius nomen. Quando la-  
pis possidet centrum, resultat terminus, quies-  
scilicet, quæ præcisè dicit cessationem motus: quando  
biuta possident bonum apprehensionis,  
resultat delectatio: quando creatura intelle-  
ctualis possidet suum bonum intellectuale, re-  
sultat terminus, qui dicitur gaudium; & hoc  
quidem perfectius quiete & delectatione, sicut  
ipsa inclinationis rationalis perfectionis est sensitivæ,  
si vero sit possessionis ultimi finis, dicitur fructus.  
Quarimus ergo quodnam sit objectum prox-  
imum & immediatum illius delectationis, quæ  
ex visione beatifica & consecratione ultimi finis  
oritur, & quæ à Theologis *fructus beatifica* ap-  
pellatur? Pro resolutione

Notandum secundò, triplicem posse distin-  
guiri in Beatis fruitionem & delectationem: pri-  
mam quâ delectantur de bono divino, quatenus  
bonum Dei est: secundam, quâ delectantur de  
Deo, ut præsente & habito per visionem: ter-  
tiam, quâ delectantur de actu visionis beatifica  
quam elicunt. Prima ad amorem amicitiae spe-  
cat, duæ vero posteriores ad amorem concu-  
piscentiae. Si ergo loquamus de prima, certum  
est illam habere pro objecto proximo & imme-  
diato ipsum Deum, & visionem solum esse condi-  
tionem necessariam requisitam, ut de Deo &  
bono divino Beati delectantur: habet enim so-  
lum rationem cognitionis, cognitione autem so-  
lum est conditio objecti voluntatis, ut docetur  
in Philosophia. Solum ergo difficultas procedit  
de secunda & tertia delectatione, quæ ad amo-  
rem concupiscentiae pertinent.

## S. II.